

Sayı : *AYU.MNB.2015/369*

08/07/2015

Konu :

**ҚОЖА АХМЕТ ЯСАУИ АТЫНДАҒЫ ХАЛЫҚАРАЛЫҚ
ҚАЗАҚ-ТҮРІК УНИВЕРСИТЕТІ
ӨКІЛЕТТІ КЕҢЕС БАСҚАРМАСЫ**

ӨКІМ (2015 / 1)

«Қожа Ахмет Ясауи атындағы Халықаралық қазақ-түрік университеті Ғылыми зерттеу жобаларын гранттық қаржыландыру Ережесі» 27.02.2015 жылғы Сенат мәжілісінде бекітіліп, күшіне енген. Орындау барысында пайда болуы мүмкін мәселелердің алдын алу үшін, университеттің тиісті бөлімдері тарапынан назарға алынуы үшін 15 баптан тұратын осы өкім шығарылды.

Жобаларды қадағалау қағидалары мен ережелері

1. Өкілетті Кеңес Басқармасы тарапынан қаржыландырылатын жобалардың мақсаттары мен қабылданған ережелерге сәйкес жүргізіліп жүргізілмегенін, аралық есептер мен қорытынды есеп арқылы Қадағалау комиссиясы тарапынан қадағаланады.
2. Аралық есептерді жоба жетекшісі келісім-шартта көрсетілген мерзімде талап етілген форматта Қадағалау комиссиясына тапсырады. Аралық есептер, қажет болған жағдайда, Қадағалау комиссиясы тарапынан кеңесші немесе рецензентке жіберіліп, тексеріледі және қабылданады немесе қабылданбайды.
3. Қорытынды есептерді жоба жетекшісі жобаның мерзімі аяқталғаннан кейінгі ең көп дегенде екі айдың ішінде талап етілген форматта Қадағалау комиссиясына тапсырады. Қорытынды есеп Қадағалау комиссиясы тарапынан кем дегенде екі рецензентке жіберіліп, тексеріледі. Қорытынды есептер Қадағалау комиссиясы тарапынан рецензенттердің пікірі бойынша тексеріліп, қабылданады немесе қабылданбайды.
4. Қадағалау комиссиясы жобаның мерзіміне сәйкес үш ай немесе алты айда бір рет Өкілетті Кеңес тарапынан қаржыландырылатын, қаржыландырылуы жалғасып келген және аяқталған жобалар туралы Өкілетті Кеңес Басқармасына қысқаша мәлімет береді. Осы мәліметке қосымша Қадағалау комиссиясына тапсырылған аралық және қорытынды есептер мен рецензенттердің пікірлері де жіберіледі.
5. Қадағалау комиссиясы мүшелері жоба жетекшісі немесе кеңесшісі бола алмайды.
6. Жоба барысында пайда болатын және барлық мәселелерде ең жоғары шешуші орган Өкілетті Кеңес Басқармасы болып табылады.

т

Sayı : **АЧД.МНВ.2015/369**

08.07.2015

Копия:

Жобаның қаржы жауаптысының орындауы тиіс қағидалар мен ережелер

7. Әр бір жоба үшін қаржы жұмсауға құқылы тұлға белгіленуі тиіс. Жобаның қаржы жұмсауға құқылы тұлғасына жоба басталарда жалпы жоба бюджетінің 25% мөлшерінде аванс берілуі мүмкін. Әр қаржы жұмсауға құқылы тұлға алған аванспен жасаған барлық зат пен қызметті сатып алу мен басқа да жұмсауларды растайтын ресми құжаттарды Қадағалау комиссиясына тапсырып, есептесу керек. Осындай есептесу жасалмағанша жаңа аванс берілмейді.
8. Жобаның басында алынған 25% мөлшеріндегі аванс есептетілгеннен кейін қайтадан 25% мөлшерінде аванс талап етіледі. Есептеу жұмыстары да дәл солай жүргізіледі.
9. Екінші рет 25%-дық аванс есептетілгеннен кейін қайтадан 25% мөлшерінде аванс талап етіледі. Есептеу жұмыстары да дәл солай жүргізіледі.
10. Жалпы жоба бюджетінен қалған 25% мөлшеріндегі қаржы жобаның қорытынды есебі тапсырылып, Қадағалау комиссиясы және 2 рецензент тарапынан қабылданғаннан кейін төленеді.

Қадағалау комиссиясының / Ректораттың орындауы тиіс қаржылық қағидалар мен ережелер

11. Ректораттың сұранысы бойынша Өкілетті Кеңес Басқармасы тарапынан жоба басталарда Қадағалау комиссиясы тарапынан қабылданған жобалардың жалпы құнының 25% мөлшеріндегі қаржы аванс ретінде төленеді. Төленген бастапқы аванс қаржысы жобаның мерзіміне қарай үш ай мен алты ай арасында ректорат тарапынан есептетілу керек. Өкілетті Кеңес Басқармасы мен ректорат арасындағы есептесу, төленген қаржының жұмсалуды растайтын ресми құжаттар (счёт-фактура, чек т.с.с.) және осы құжаттардың түрікше анықтамасы бар тізім арқылы жасалынады. Алынған аванстың есептесу жұмыстары аяқталмастан қайтадан аванс берілмейді.
12. Бастапқыда берілген 25% мөлшеріндегі аванстың есептесу жұмыстары аяқталғаннан кейін ректорат Қадағалау комиссиясы қабылдаған жобалардың жалпы құнының 25% мөлшерінде авансты қайтадан сұрай алады. Есептесу жұмыстары дәл солай жүргізіледі.
13. Екінші рет төленген 25% мөлшеріндегі аванстың есептесу жұмыстары аяқталғаннан кейін ректорат Қадағалау комиссиясы қабылдаған жобалардың жалпы құнының 25% мөлшерінде авансты қайтадан сұрай алады. Есептесу жұмыстары дәл солай жүргізіледі.

my

Sayı : АЧД.ТНВ.2015/369

08/07/2015

Кону :

14. Бақылау комиссиясы тарапынан қабылданған жобалардың жалпы құнының қалған 25% болса, жобаның қорытынды есебі, Қадағалау комиссиясы және 2 рецензент тарапынан қабалданғаннан және осы құжаттардың Өкілетті Кеңес Басқармасына жеткізілгеннен кейін сұралады.

15. Қорытынды есеп, 12-бапта көрсетілген ережелерге сәйкес қабылданбаған немесе Қадағалау комиссиясы тарапынан қабылданбаған жағдайда сол жоба үшін берілген жалпы аванс мөлшері ректорат тарапынан жоба жетекшілерінен өндірілуі шартымен Баскарма тарапынан ректоратқа жасалатын ағымдық аударулардан ұсталынады.

Осы өкімнің тиісті тұлға мен бөлімдерге хабарлануын, өкімнің мұқиятты түрде орындалуын және іске асыру барысында кемшіліктерге жол берілмеуін сұраймын.



Профессор доктор Мұса ЙЫЛДЫЗ
Өкілетті Кеңес төрағасы